

Melele kin Kabin Jibañ ko ejab an kien

(Jebta 26.18, 26.23, 34.05, 74.20, and 74.20A RCW)

Kejbarok beba in; ewōr melele in kakien ko raurōk kin kej eo am ikijen wonnen kejbarok ajiri.

Pade ro ilo Jemlok in Wonnen Kejbarok eo Am

Pade ro ruo ilo jemlok in wonnen kejbarok eo am rej jinen ak jemen eo im ajiri eo ejab bed ibben im jinen ak jemen eo im ajiri eo ej bed ibben. Jinen ak jemen eo im ajiri eo ejab bed ibben ej armij eo ej aikuj kolla wonnen kejbarok. Jinen ak jemen eo im ajiri eo ej bed ibben ak armij eo im ajiri eo ej bed ibben im ekkā an ajiri ro jokwe ibben. Jinen im jemen ro jimor im ajiri eo ej jokwe ibbeir ak ejab remaron aikujin lelok injuran in taktō im / ak jiban in taktō ñan ajiri ro

- Jibañ in taktō ekoba wonnen taktō kwonaer im rejab bed iomwin injuran im ijo kwōnaer wonnen taktō (kolla kin jāān) elañ aikuj ilo jemlok eo am ilo ien kwar jab lelok injuran in taktō.

Obj eo ej bōk eddon wonnen kejbarok ajiri

Ewōr obj ko rej bōk eddon wonnen kejbarok ajiri (DCS) ibelakin state eo. DCS ej lale im kabin kej ko ikijen wonnen kejbarok ajiri. Ñan an DCS maron kabin jemlok in wonnen kejbarok eo am, jadewōt pade ro rej aikuj kajitōk jibañ in kabin wonnen kejbarok ilo jeje

Elañe jemlok in wonnen kejbarok eo am enaj aikuj kolla jen ibben Washington State Support Registry (lale jikin eo juon) bōtab DCS ejab loe juon kajitōk nan jibañ kein, DCS enaj kōbellok juon kein in Jiban in Kolla Wot (PSO) ñan kwe. DCS ej lewaj wōt komadmōd kolla im kejbarok melele nan kej in PSO ko.

Washington State Support Registry

Washington State Support Registry (WSSR) ej mōttan DCS im ej kejbarok melele ko am im ajeje kolla in wonnen kejbarok ko. DCS enaj kadeloñ jemlok in wonnen kejbarok eo am ñan WSSR innem jabdewōt laajrak eo enaj walok.

1. Jabdewōt pade ro ilo jemlok in wonnen kejbarok eo enaj kajitōk an DCS lelok jibañ ko ikijen kabin wonnen kejbarok.
2. Jemlok in wonnen kejbarok eo am ej aikuj an jinen ak jemen eo im ajiri eo ejab jokwe ibben kollaiki wonnen kejbarok ilo WSSR.

Ta Eo Kwōj Aikuj Kōmmane

Ilo ien kwōnaj kajitōk bwe DCS en lewaj jibañ in kabin wonnen kejbarok, kwōj aikuj:

1. Jilkinlok ñan DCS aoleb kolla ko kwar kaju loi jen jinen ak jemen eo im ajiri eo ejab jokwe ibben. Aikuj wōr melele in aoleben kolla ko kwar kōmmāni ibben DCS ñan aer jerbale kej eo am. Elañe kwar ebōk kolla in wonnen kejbarok mokta jen am kajitōke jibañ ko an DCS, kwōj aikuj lelok juon beba in kamool ej kōlaarak aoleben kolla ko. Ilo ien kwōnaj jilkinlok kolla ko ñan DCS im kwar kaju loi jen jinen ak jemen eo im ajiri eo ejab jokwe ibben, DCS enaj kanne joñan eo ñan kaat in debit in DCS eo am ak enaj kadeloñe joñan eo ñan akkoun eo am ej kaju deloñ kolla.
2. Ba ñan DCS elañe kwōnaj jañiji atorej ak nomba in talebon eo am. DCS aikuj melele in ñan kebaak kwe kin kej eo am. DCS emaron lewaj kōjellā in kakien ko ilo mael first class.
3. Kaju ba ñan DCS elañe kwōnaj bar koba ibben jinen ak jemen eo im ajiri eo ejab jokwe ibben ak ñe ajiri ro renaj emakūt in jokwe bar juon jikin. Kwōj aikuj lelok melele ko relablok ñan DCS elañe renaj kajitōk.
4. Ba ñan DCS ñe kwōnaj kōjermal juon loar ak obj eo ejab an kien bwe ren aen wonnen kejbarok ko am. Kwōj aikuj lelok etan im atorej eo an loar eo ak obj eo ejab an kien ñan DCS. Kwōj aikuj ba ñan DCS ta eo loar eo ak obj eo ejab an kien enaj kōmadmōde.
 - a. DCS emaron jab maron in aen wonnen kejbarok eo am ilo ien an juon loar ak obj eo ejab an kien kajeoñ in aeni.
 - b. Ñe kwōnaj kōjermal juon loar ñan jañiji kobban jemlok in wonnen kejbarok eo am, kwe ak loar eo am aikuj lelok kōjellā ñan jinen ak jemen eo im ajiri eo ejab jokwe ibben im DCS.
5. Lelok ñan DCS ak jibañ DCS bōke kabe in aoleben jemlokin wonnen kejbarok ko rar deloñ ilo kej eo am.

Mennin Aikuj ko ñan Ebök Jibañ in Kabin Jibañ ko ejab an kien

Ñe ejellok am maron iomwin kakien in lale ajiri ro kwōj kajitōk jibañ in kabin wonnen kejbarok kaki, kwōj aikuj kamool ke ejab bōd am kejbaroke ajiri ro jen armij eo ewōr an beba in kakien ñan lale er.

DCS ej aen \$35 wonnen kajojo yiō in jermal an federal im DCS ej jilkinwaj \$550 in wonnen kejbarok elañe kwar **jañin bōk** Jibañ eo an kōttaan ien ñan baamle ko rej aikuj (TANF), TANF an jowi, ak Jibañ ñan baamle ko ewōr ajiri rej bōk eddoier (AFDC) ñan jabdewōt ajiri. Yiō in jermal eo ej jino ilo Oktoba 1 im jemlok ilo Jebtomba 30 kajojo yiō. DCS enaj aen wonnen in jen kwe ilo am dābij \$35 jen aen in wonnen kejbarok ko ālikin an DCS jilkinwaj \$550 eo jinointata. Elañe elablok jen juon am keij kinke oktak jemen ajiri ro nejum, kwōmaron naj aikuj kolla lablok jen juon wonnen eo an aoleb yiō. Ñe kwar ebök TANF, TANF an jowi, ak AFDC jen bar juon state kwōj aikuj jilkintōk kein kamool, einwōt juon beba in kamool jen juon obij in jibañ an kien jen bar juon state ak juon kabe emōj kamool kin melele in jibañ eo am, ñan DCS. DCS enaj lewaj muri in ñane kim loe kein kamool in. Elane am kollaiki wonnen eo \$35 enaj komman abañ ñan baamle eo am, kwomaron kajitok ibben DCS bwe ren komman kōjenolok ñan am jab aikuj kollaiki ilo am kajitok juon Conference Board (Kwelok an Board).

Jibañ in Kabin Wonnen Kejbarok

Ñe ewōr am jemlok in wonnen kejbarok ej karōke wonnen kejbarok eo, DCS enaj kajeoñ in aeni joñan eo. Ekkā an DCS jab bwinne im aen wōrlōk ilo an lablok ilo jemlok eo am. Ilo jet keij ko, DCS emaron lelok juon kōjellā ñan pade ro jimor ilo jemlok in wonnen kejbarok eo mokta jen an jino kōmadmōdin aen.

Elañe ejellok am jemlok in wonnen kejbarok ak jemlok in wonnen kejbarok eo am ejellok wonnen kejbarok in wonnen taktō jimor, DCS enaj lelok juon kōjellā ñan pade ro jimor ilo jemlok in wonnen kejbarok eo.

1. Ilo kōjellā in, DCS enaj karōke joñan wonnen kejbarok im wonnen taktō ko ñan joñan eo aikuj. DCS enaj jino bwinne joñan wonnen kejbarok ajiri eo kin kolla ko an pade ro jimor im joñan ajiri ro ilo keij eo.
2. Jemlok eo am aikuj an kajojo jinen im jemen eo ewōr aer eddo lelok injuran in taktō ilo ien eo ewōr an jinen ak jemen injuran ilo jikin jermal ak uno eo aer ilo an wonnen jab lablok jen 25 bōjjāān in eddo in wonnen kejbarok eo ekkā an jinen ak jemen.
3. Jemlok eo emaron koba juon eddo in wonnen taktō ñan joñan eo kwe ak State ej kollaiki elañe jinen ak jemen eo im an eddo ejab lelok injuran in taktō.

Elañe jemlok in wonnen kejbarok eo am ejab karōke jejetin joñan wonnen kejbarok ak ej kwalok juon bōnōbōn ñan lale joñan eo, DCS enaj lelok juon **Kōjella in Muri ikijen Wonnen Kejbarok** ñan pade ro jimor ilo jemlok in wonnen kejbarok eo am.

1. Ilo kōjellā in, DCS enaj karōke juon jejetin wonnen kejbarok. Jabdewōt pade ro ilo jemlok in wonnen kejbarok eo am emaron kajitōke juon ien roñjak ñan jumae joñan wonnen kejbarok eo DCS enaj karōke.
2. DCS emaron kajeoñ in tōbar errā kin juon joñan wonnen kejbarok eo ibben pade ro jimor ilo jemlok in wonnen kejbarok eo am.

Ilo ien eo enaj karōk joñan wonnen kejbarok eo im DCS ejelā jikin jermal eo an jinen ak jemen eo im ajiri eo ejab jokwe ibben, DCS enaj lelok juon kōjellā in **Dabdeb Kolla nan Wonnen Kejbarok** ñan jikin jermal eo. Kōjellā eo ej aikuj an jikin jermal eo dābdeb wonnen kejbarok jen kolla ak wonnen jermal ko an jinen ak jemen eo im ajiri eo ejab jokwe ibben Elañe DCS ejab jelā jikin jermal eo an jinen ak jemen eo im ajiri eo ejab jokwe ibben, DCS enaj bar kajeoñ in bukōt jikin ko jet im kajeoñ in aen wonnen kejbarok ko am.

Elañ jemlok in wonnen kejbarok eo am ewōr kakien ñan wonnen taktō ñan ajiri ro, DCS enaj kajeoñ in kabin kakien kein. Kōmadmōd ko DCS enaj kōmmani ekkar ñan kakien ko ilo jemlok eo am.

1. Elañe ewōr juon am jemlok ej aikuj an jinen ak jemen eo im ajiri eo ejab jokwe ibben bwe en lelok injuran in taktō, kolla ijo kwōnaer ñan wonnen taktō ko rejab deloñ ilo injuran, kankan ko, im wonnen ko ālikin an injuran kolla, ak kollaiki juon joñan eo ilo ien eo jinen ak jemen eo im ajiri eo ejab jokwe ibben ejellok an injuran in taktō, DCS enaj kabin jabdewot mennin aikuj kein ikijen wonnen taktō.
2. Ñe ewōr am jemlok in wonnen kejbarok ejab aikuj an jinen ak jemen eo im ajiri eo ejab jokwe ibben lelok injuran in taktō ñan ajiri ro nejum, DCS emaron kajeoñ in jañiji kobbān jemlok eo am.
3. Ñe ewōr am jemlok in wonnen kejbarok ej aikuj am lelok injuran in taktō, kolla juon joñan eo einwōt ikijen muri in taktō, kolla ko kwōnaam ālikin an injuran kolla, im kankan ko, ak kolla ijo kwōnaam ñan wonnen injuran in taktō eo an jinen ak jemen eo juon elañe kwōjab lelok injuran in taktō, DCS emaron kabin mennin aikuj ko elañe jinen ak jemen eo im ajiri ro rejab jokwe ibben enaj kajitōk jibañ in kabin wonnen kejbarok.

Elañe ewōr am injuran in ejmour ñan ajiri ro, kwōj aikuj lelok ñan DCS kamool kin joortoklik eo. Kwōmaorn kadedelok im karool beba in **Melele in Injuran in Taktō eo an Jinen im Jemen eo im Ajiri eo ej Jokwe ibben** im emōj likūt ijin ñan kein kamool eo am.

Ñe ewōr am injuran in taktō im kwōjab kōnaan bwe DCS en kabin mennin aikuj ko ikijen wonnen taktō ilo jemlok in wonnen kejbarok eo am, kwōj aikuj lelok ñan DCS kein kamool in joortoklik eo im ba ñan DCS ilo jeje ke kwōkōnaan bwe ren kabin kakien ko ikijen wonnen taktō

Elañe jinen im jemen rejañin kar marre, im:

1. Juon ak erro jimor ear jab jaiñi beba in **Kile Wōn Jemen Ajiri eo**, juon jikin ekajet an state ak jowi aikuj lale wōn jemen iomwin kakien. DCS enaj lemaanlok keij eo am ñan juon loar, jikin ekajet an jowi, ak obj eo an Attorney General ñan kōmadmōd.
2. Erro ear jimor jaiñi juon beba in **Kile Wōn Jemen Ajiri eo**, DCS emaron kōmmane juon jemlok in wonnen kejbarok ilo an ejellok kōmadmōd an jikin ekajet.

Elañe pade eo juon ilo jemlok in wonnen kejbarok eo am enaj kajitōk an DCS kōmmane mennin, DCS emaron lelok jibañ in kabin aoleben wonnen kejbarok ko jekdoñ ñe kwōjab kōnaan.

Elañe ejellok pade ilo jemlok in wonnen kejbarok eo ej jokwe ilo Washington State, DCS enaj lelok jibañ in kabin wonnen kejbarok elañe emool laajrak ko.

1. Ejellok pade ilo jemlok in wonnen kejbarok eo ear ebōk jibañ in kabin wonnen kejbarok jen bar juon state.
2. Jinen ak jemen eo im ajiri ro rejab jokwe ibben ej kebaak Washington State. Kebaak ekoba kolla jen jikin jermal jen jikin jermal ko rej kōmman bijnej ilo Washington, im ewōr aer jāān ilo Washington, im men ko jet. Jinen ak jemen eo im ajiri eo ejab jokwe ibben ej aikuj bwe an kebaak Washington State ñan kōmelim an DCS aeni wonnen kejbarok eo.

Elañe jinen ak jemen eo im ajiri eo ejab jokwe ibben ej jokwe ilo bar juon state im im ejab kebaak Washington State, im kwōj jokwe ilo Washington State, DCS emaron kōmmane jabdewōt laajrak ko.

1. Kajeoñ in kōmmane jikin kakien eo an keij im aen wonnen kejbarok eo iomwin kakien eo Washington State.
2. Kajitōk ibben state eo jinen ak jemen eo im ajiri eo ejab jokwe ibben ej jokwe ie ñan aen wonnen kejbarok eo. State eo juon enaj kōmadmō iomwin kakien ko aer.

DCS enaj karōke juon wāween eo ñan an jinen ak jemen eo im ajiri eo ejab jokwe ibben kollaiki wonnen kejbarok ko emootlok ien aer kolla aoleb allon. DCS ej karōke kolla in ilo aikujin wonnen kejabrok eo emōj likūt ilo jemlok in wonnen kejbarok eo am im aoleben joñan muri in wonnen kejbarok eo emootlok ien an kar kolla ñan keij eo.

Elañe ewōr am jemlok in wonnen kejbarok ej kōmelim an DCS lelok juon **Dabdeb Kolla ñan Wonnen Kejbarok**, DCS enaj lelok kōjellā in ñan jikin jermal eo an jinen ak jemen eo im ajiri eo ejab jokwe ibben (elañe rejelā).

Elañe ewōr am jemlok in wonnen kejabrok ejab kōmelim an DCS lelok juon beba in **Dabdeb Kolla ñan Wonnen Kejbarok**, DCS enaj lelok juon beba in **Kōjellā kin Muri in Wonnen Kejabrok im Kajitōk Kolla** ñan jinen ak jemen eo im ajiri eo ejab jokwe ibben. **Kōjellā kin Muri in Wonnen Kejbarok im Kajitōk Kolla** ej kaalikar joñan wonnen kejbarok eo im ej lelok maron ñan DCS ñan lelok beba in **Dabdeb Kolla ñan Wonnen Kejbarok**.

1. Elañe kwōj juon eo ej kolla ekkar ñan jemlok an jikin ekajet, DCS enaj jilkinwaj juon kabe in kōjellā eo ej kaalikar joñan wonnen kejbarok eo. Ñe kwōjab loe juon kabe im kwōjab errā kin joñan ko emōj kaalikar ilo kōjellā eo, kwōmaron kajitōk juon ien roñjak.
2. Jinen ak jemen eo im ajiri eo ejab jokwe ibben emaron kajitōk juon Board in kwelok (juon ien roñjak ejellok karōkin) ñan jumae kōmelele ko ilo kōjellā eo ej kaalikar joñan wonnen kejbarok eo. Kwōmaron bōk kwōnaam ilo Board in Kwelok eo.
3. Ñe kwōnaj kajitōk juon ien roñjak im jinen ak jemen ajiri eo im ajiri eo ejab jokwe ibben enaj kajitōke juon Board in Kwelok, kwōmaron lale elañe kwōkōnaan juon ien roñjak ak juon Board in Kwelok.

Jabdrewot kōmadmōd in komman, kabin, ak janiji jemlok in wonnen kejbarok eo, DCS emaron lewaj kōjella ko ilo jeje ñan pade ro ilo jemlok in kin mael first class. DCS emaron lelok kōjellā kein ñan atorej ko an pade ro rar jelā kaki āliktata. Elañe DCS enaj lewaj juon kōjellā, emaron jemlok eo āliktata ilo an ejellok bar kōjellā waj ñan kwe. Juon jikin ekajet ak Judge in Kakien in Jermal (ALJ) emaron lewaj juon kajitōk ñan janiji jemlok in wonnen kejbarok eo ilo an kaju kōmman elañe juon pade enaj likjab in jede ñan kōmadmōdin in kōmman oktak eo. Mennin ej jermal jekdon ñe DCS ebañ kamool ke pade eo ear likjab in jede ear loe kōjellā in ien roñjak eo rar jilkinlok ilo mael first class ñan atorej eo āliktata an pade eo rar jelā kake.

DCS ebañ kōmmane ak kabin kakien kin wōn eo ajiri eo ej jokw eibben ak ien lolak ko an ajiri ro.

Jutak Ikijen

DCS im aoleb obj ko an Attorney General im obj ko an Loar ro rej kōmadmōd ibben DCS rej jutak ikijen Ra eo ej jibañ armij im Ejmour (DSHS). Obj kein rejab jutak ikijen jabdewōt pade ilo jemlok in wonnen kejbarok eo am.

Ien Roñjak Ko

Jebta 34.05 RCW ej kōmelim an pade ko jimor ilo jemlok in wonnen kejbarok eo am bōk kwōnaer ilo ien roñjak ko rej kōmman ikijen jemlok in wonnen kejbarok eo am. Jabdewōt pade emaron jede ñan ien roñjak ko ilo aer jede lok ak ilo talebon. Ien Roñjak ko rej jelōte joñan wonnen kejbarok eo am. Elañe kwōjab bōk kwōnaam ilo juon ien roñjak, juon ALJ emaron lelok kajitōk ko rej kōmman jen ibben DCS ak ñan pade eo juon ilo jemlok in wonnen kejbarok eo am ilo an ejellok bar kōjellā ñan kwe. Kwōmaron kōnaan bwe juon loar en jutak ikijem ilo ien roñjak eo.

Kadiklok joñan eo iomwin jidik ien

Kakien eo an Washington ej kōmelim an diklok iomwin jidik ien wonnen kejbarok ajiri elañe jinen ak jemen ajiri eo im ajiri eo ejab jokwe ibben ej kalbuj ak kalbuj jab diklok kin jiljino allon iloan imōn kalbuj im ejellok an maron in kollaiki wonnen kejbarok ajiri. Etan kōmadmōd in ej Kadiklok joñan eo iomwin jidik ien. Kwe, jinen ak jemen eo juon im ajiri eo ejab jokwe ibben, ak DCS emaron kajitōke an diklok joñan eo iomwin jidik ien. Elañe kadiklok joñan iomwin jidik ien ej jermal ñan keij eo am, kwonaj loe juon kōjellā jen DCS ej kōmelele enaan ko ilo komadmōd in im maron ko an kajojo armij ñan kajitōke juon ien roñjak elañ rejab errā.

Jibañ in Aen ko

DCS enaj kajeoñ in:

1. Aen wonnen kejbarok ko an kiō im wonnen ko remootlok ien aer kolla (elañe ewōr).
 - Iomwin jekjek ko ewōr joñaer, DCS emaron deloñe juon bujen an jidik ien ej kōmelim an jinen ak jemen eo im ajiri eo jokwe ibben kollaiki diklok jen joñan wonnen kejbarok eo kiō aoleb allon im emōj laajrak ilo jemlok eo an wonnen kejbarok eo am. Kolla kein rej lablok ālikin ien ñan kōmelim an DCS bōke aoleben wonen kejbarok ko an kiō im ro emootlok ien aer kar aikuj kolla.
2. Aen wōrllok ilo wonnen kejbarok ko emootlok ien aer aikuj kolla. DCS enaj kōmmāne wōt ñe ewōr am jemlok in wonnen kejbarok ak juon jemlok jen jikin ekajet an state ak jowi ej kaalikar aoleben joñan wōrllok eo emōj bwinne.
3. Aen wonnen lale ajiri, elañ aikuj ilo jemlok in wonnen kejbarok eo am.
4. Aen wonnen kejbarok armij eo belem (wonen eo kwōj kollaiki armij eo belem ālikin am jebel) elañe aikuj ilo jemlok in wonnen kejbarok eo am. DCS ejab karōke joñan wonnen kejbarok ko an ribelele.
5. Kabin mennin aikuj ko ikijen wonnen taktō. DCS emaron kajeoñ in aen muri in wonnen taktō ko rejab rool (einwōt ijo kwōj kollaiki ālikin injuran, kankan ko, im joñan ko kwōj kolla wonnen injuran) ñan ajiri ro redeloñ ilo jemlok eo ilo am kōjermal jibañ ko ewōr ilo Jebta 74.20 im RCW 74.20A RCW. WAC 388-14A-1020 ej kōmelele muri in wonnen taktō ko rejab deloñ ilo injuran. DCS emaron lelok juon beba in **Kōjellā Wonnen Taktō An Aolebenn Lal eo** ñan kabin mennin aikuj ko ilo joortokik in ejmour eo ak kabin jāān eo kwōnaān ejab lablok jen muri ko kwōkōnaān jinen ak jemen eo im ajiri eo ejab jokwe ibben, joñan jemlok kin 25 bōjjāān in eddo in wonnen kejbarok ajiri eo ekkā an jinen ak jemen
6. Kabin wonnen jikuul ālikin high school ñan ajiri ro renaj wonmaānlok in jikuul ālikin aer kadedelok aer high school. Jikin ekajet an state ak jowi wōt emaron kōmman jemlok kin jibañ rōt in. DCS ebañ kōmman jibañ rōt in.

Kwōjab aikuj kajitōk an DCS kōmmāne kōmadmōd ko emōj laajrak ilo jikin in. DCS ej kōmadmōd einwōt an keij eo am aikuj. Bōtab, kwōmaron loe melele ko rekāāl remaron jibañ DCS aen wonnen kejbarok eo am. Ñe kwōnaān kōmmāne, kwōj aikuj ba ñan DCS. Likūt melele ko laajrak ilo aoleb beba ko rej etal ñan DCS.

1. Etam, atorej, nombā in talebon, im nombā in keij.
2. Etan jinen ak jemen eo im ajiri eo ejab jokwe ibben im nombā in social security (elañe kwōjelā).

Kōbōjrak Jibañ ko an DCS

Ñe kwōkōnaān bwe DCS en bōjrak an lewaj jibañ in aoleben aen, kwōj aikuj kajitōk ibben DCS ilo jeje. Ñe ewōr am jemlok in wonnen kejbarok ej aikuj an jinen ak jemen eo im ajiri eo ejab jokwe ibben bwe en kolla ilo WSSR, DCS enaj kōbōjrak aoleben jibañ in aen ko, jañiji keij eo am ñan PSO, im ba ñan jinen ak jemen eo im ajiri eo ejab jokwe ibben. Elañe jemlok in wonnen kejbarok eo am ejab aikuj kolla ilo WSSR, DCS enaj killi keij eo am.

Elañe kwe ak ajiri ro nejum renaj kobalok ibben jinen ak jemen eo im ajiri eo ejab jokwe ibben, DCS enaj kōbōjrak an aen wonnen kejbarok eo an kiō DCS ej ba ñan kwe kin jabdewōt oktā ko ñan jibañ rōt ko kwōj bōki.

Bōk bwe in eowoj in kolla an Federal, Bōk jen Jermal, im Jab Teru ñan Passport.

DCS enaj ba ñan Internal Revenue Service (IRS) ilo ien jinen ak jemen eo im ajiri eo ejab jokwe ibben enaj muri wonnen kejbarok emootlok ien an kolla elañe keij eo am enaj ioon aoleben laajrak ko:

1. DCS ejelā nombā in social security eo an jinen ak jemen eo im ajiri eo ejab jokwe ibben.
2. Muri in wonnen kejbarok eo emootlok ien an aikuj kolla iomwin juon jemlok in wonnen kejbarok.
3. Jinen ak jemen eo im ajiri eo ejab jokwe ibben emuri juon joñan wonnen kejbarok emootlok ien an kar aikuj kolla kin \$500.00 ak lablok. Elañe DCS ebañ lale joñan muri in wonnen kejbarok eo emootlok ien an aikuj kolla, DCS emaron kadiklok joñan muri eo ear koba jen ien eo DCS ear bōke keij eo am.

IRS ej jilkinlok ñan DCS bwe jin eowoj ko an jinen ak jemen eo im ajiri eo ejab jokwe ibben ñan kollaiki muri in wonnen kejbarok ko emootlok ien aer aikuj kolla.

Elañe jinen ak jemen eo im ajiri eo ejab jokwe ibben aer bael beba in eowoj ibben bar juon, DCS emaron dābij bwe in jāān eo iomwin jiljino allon mokta jen an jilkinwaj jāān eo. DCS emaron dābij jāān eo ear rool jen eowoj ñan kōmelim an armij eo juon ebed etan ilo eowoj eo bwe en kajitōke bwe eo an.

Kolla ko jet rej muri jen kien eo an federal ñan jinen ak jemen eo im ajiri eo ejab jokwe ibben emaron bar jermal ñan kollaiki wonnen kejbarok ko emootlok ien aer aikuj kolla.

Elañe jinen ak jemen eo im ajiri eo ejab jokwe ibben enaj muri jab diklok jen \$2,500.00, kien eo an federal emaron jab kateru passport eo an jinen ak jemen eo im ajiri eo ejab jokwe ibben.

Ajej in Kolla

Ewör kakien ko an federal im state elab mo ko ñan ajej kolla in wonnen kejbarok. DCS ej köjberbal raan in loe kolla eo ñan lale wāween an lelok jāān in wonnen kejbarok. Jabdewōt pade ilo jemlok in wonnen kejbarok eo emaron kelet ien kolla ko.

1. DCS enaj lelok jabdewōt jāān rar loe kajojo allon, ijellokun kolla in bwe in eowoj jen IRS, mokta ñan wonnen kejbarok eo kio ñan allon eo. Kolla in IRS ko remaron wot etal nan wonnen kejbarok ajiri ko emootlok ien aer kolla.
2. DCS emaron dābij juon kolla in wonnen eo \$35 an aoleb yiō, elane kwōjañin kar ebök jāān in TANF, TANF an jowī, ak AFDC einwot juon eo ajiri ro redik rej bed ibben. DCS enaj aen wonnen eo ālikin an \$550 eo ilo wonnen kejbarok ajej ñan kwe ilo keij eo ikotaan Oktoba 1 im Jebtomba 30 kajojo yiō.
3. Elañe enaj lablok an DCS loe joñan wonnen kejbarok eo an kiō, DCS enaj lelok kolla ko jet ñan wonnen kejbarok ko remootlok ien aer kolla.
4. Elañe jinen ak jemen eo im ajiri eo ejab jokwe ibben emuri wonnen kejbarok kiō ñan elōñlok jen juon baamle, DCS ej lelok jāān eo ñn aoleb eddo in wonnen kejbarok ko an tōrre in mokta jen an lelok jabdewōt jāān ñan wonnen k Kwe ak jinen ak jemen eo im ajiri eo ejab jokwe ibben emaron kaalikar wāween an DCS ajeje kolla ko.
 - Ewör juon men eo ejenolok jen kakien eo ilōñ. Jinen ak jemen eo im ajiri eo ejab jokwe ibben emaron kaalikar ajej in kolla ko ñan keij in PSO ko. PSO ej ñan keij ko DCS ej kakwōn melele im ajej kolla bōtab ejab kabin jemlok in wonnen kejbarok eo.

DCS enaj jilkinwaj aoleb kolla in wonnen kejbarok ajiri an torre in ñan kwe. Elane kwonaj dreton ilo direct deposit, DCS enaj kaju deposit waj kolla ko ñan akkoun in bank eo am kin Electronic Funds Transfer (EFT).

KÖJELLÄ: Ñe kwōjab kōmelim an kaju deloñ kolla ilo akkoun eo am, DCS enaj kaju maele waj juon kaat in debit VISA kwōmaron köjberbal ilo imōn wia, etanñin, kaat in debit an DCS. Ñe ewör am kaat debit an DCS, DCS enaj kadeloñ wonnen kejbarok ajiri eo am ñan kaat eo im ejab ñan akkoun eo am ilo bank. Elōñ keij ko, ewör kolla in wonnen kejbarok ajiri ilo akkoun in bank eo am ak ilo kaat in debit eo an DCS am iloan jilu raan in jberbal ālikin an DCS lelok ñan keij eo am. Kwōmaron köjberbal kaat debit an DCS jabdewōt jikin ej ebök VISA im ilo majin ko kwōj kadiwōj jāān (ATM). Kwōmaron bök melele ko relablok kin kolla ko rej kaju ñan akkoun. Lale ekāālel ko jet am ñan am elo kolla ilo am kūrlok 800-468-7422, ak on-line ilo www.dshs.wa.gov/dcs.

Kolla in wonnen kejbarok ko remootlok ien aer kolla remaron ak remaron jab iwōj ñan kwe.

1. Elañe kwe im ajiri ro nejum ejañin kar ebök jibañ in kien, DCS enaj jilkinwaj jāān eo ñan kwe.
2. Ñe kwar ebök jibañ in kien im ejellok am muri jen jabdewōt jikin kakien, DCS enaj jilkinwaj jāān eo ñan kwe.
3. Ñe kwar ebök jibañ in kien ilo tōrre ko maanlok, DCS ej ajeje wonnen kejbarok eo emootlok ien an kolla im rar loe ālikin an bōjrak am ebök jibañ in kien einwōt laajrak:
 - a. Kein kajuon, ñan jabdewōt wonnen kejbarok emootlok ien kolla ñan kwe im rar jab lelok ñan state.
 - b. Kein karuo, ñan jabdewōt wonnen kejbarok emootlok ien an kolla im rar lelok ilo kōtaan ien ñan state jen juon jberbal ear kōmman ilo ak ālikin Oktoba 1, 1997, im mokta jen Oktoba 1, 2008, im ejab mottan juon kwōn in wonnen kejbarok emootlok ien an kolla im rar lelok emōj kōmelele ijin lal.
 - c. Kein kajilu, ñan jabdewōt muri in wonnen kejbarok emootlok ien an kolla ñan wonnen taktō an ajiri ro.
 - d. Kein kamen, ñan jabdewōt wonnen kejbarok emootlok ien an kolla im rar lelok ñan state jen juon jberbal in jibañ an kien mokta jen Oktoba 1, 1997, ak rar lelok ālikin raan eo kinke jibañ in kien eo ear kolla ñan kwe ilo allon eo.
 - e. Kein kalalem, ñan jabdewōt wonnen taktō an ajiri ro emootlok ien an kolla im rar lelok ñan state.
 - f. Kolla ko kwar loi jen IRA rej ajej ñan wonnen kejbarok im wonnen taktō ko remootlok ien kolla im emōj lelok ñan state mokta jen aer ajeje ñan jabdewōt muri in wonnen kejbarok emootlok ien an kolla ñan kwe.
4. Elañe jinen ak jemen eo im ajiri eo ejab jokwe ibben enaj muri wonnen kejbarok emootlok ien an kolla ñan elablok jen juon baamle, DCS enaj ajeje jāān eo rar aen ñan juon wōt joñan ikōtaan baamle ko.

Bōk Kolla ko rej aikuj Rool

Ekkar ñan RCW 26.23.035(3) im 74.20A.270, DCS enaj bōk kolla jen kwe rar lablok aer iwōj im kolla ko ekkar bōd aer jilkinwaj.

1. Kwōj aikuj karool aoleb kolla ko DCS ej jilkinwaj elañe:
 - a. Elane enaj bwod an DCS jilkinwaj jaan.
 - b. DCS enaj lablok an jilkinwaj joñan muri eo an jinen ak jemen eo im ajiri eo ejab jokwe ibben, etan bar mennin lab in kolla (overpayment).
2. Ñe ewōr am kein in jibañ in kolla (PSO) wōt, DCS enaj mokta bōk lablok in kolla ko im kolla ko ekkar bōd aer jilkinwaj ilo aer dābiji joñan eo jen kolla ko an jeklaj renaj loi ñan kwe. RCW 26.23.035(3) ej kōmelim kōmadmōd in ilo an ejellok kōjellā ñan kwe.
 - a. DCS enaj kaju dābij 10 bōjjāān in kolla in jeklaj ñan wonnen kejbarok ko an kiō.
 - b. DCS enaj kaju dābiji 100 bōjjāān in kolla ko jeklaj ñan wonnen kejbarok ko emootlok ien aer kolla.
3. DCS emaron kōmmāne kōmadmōdin aen ko jet im remelim ilo RCW 74.20A.270 ñan bōk lablok in kolla ko im kolla ko ekkar bōd aer jilkinwaj. Mennin ej jermal alikin an bōjrak am ebōk kolla in wonnen kejbarok jen DCS. Elane DCS enaj kelet wewein in, DCS enaj lewaj kōjella ñan kwe. Ñe rejab elo jumae, DCS emelim in:
 - a. Jilkinlok ñan jikin jermal eo am ak bar juon armij ak doulul ewōr am jāān ibbeir juon Jemlok in Dābdeb Kolla ñan Wonnen Kejbarok. Jemlok / Kōjella in ej aikuj bwe jikin jermal eo ak juon bar armij ak droulul en drebij joñan kolla eo ear bwod im / ak lab an iwoj jen kolla in jermal, kolla, im men ko mweiem.
 - b. Bael drebdreb ko jen bwidrej ak mweiuk ko am make.
 - c. Kōjermal jabdrewot wewein aen an DCS ewor iomwin Jebta 26.09, 26.18, 26.23, im 74.20 RCW.

Melele kin Jowi

Ijellokun ñe DCS im jowi eo ewōr aer bujen in kōmmāne mennin, laajrakin kabin im aen ko an DCS emōj laajrak ilo beba in rejab jermal ñan rijerbal ro rej jermal ilo jowi ko, bijnej ko an jowi, ak bijnej ko an armij in Indian im rej bed ilo bidej ko an Indian. Elañe jinen ak jemen eo im ajiri eo ejab jokwe ibben ej juon rijerbal ilo jowi an Indian, bijnej an jowi, ak juon bijnej an armij in Indian im ebed ilo juon bidej an Indian DCS emaron:

1. Kajitōk ibben jowi eo bwe en kabin jemlok in wonnen kejbarok eo am. DCS enaj kōmmāne mennin elañe Washington State im jowi eo ewōr aer kōmadmōdin kōmmāne.
2. Baele juon kōmadmōd ilo juon jikin ekajet an jowi ñan kōmmāne ak kabin jemlok in wonnen kejbarok eo am. Elañe DCS enaj baele juon kōmadmōd ilo juon jikin ekajet an jowi, DCS emaron kōjermal laajrak ko emōj kaalikar ilo bujen ko ikōtaan Washington State im jowi ko an Indian ñe ejab kōjermal laajrak ko ewōr an jikin ekajet an jowi.

DCS emaron lelok keij eo am ñan juon jikin kabin an jowi elañe jabdewōt laajrak ko rekkar ñan keij eo am.

1. Jabdewōt pade ro ilo jemlok in wonnen kejbarok eo am ak ajiri ro rej uwaan juon jowi an Indian.
2. Jinen ak jemen eo im ajiri eo ejab jokwe ibben ej juon rijerbal ilo juon jowi an Indian, bijnej an jowi, ak bijnej an armij in Indian im ebed ilo bidej ko an armij in Indian ak bidej ewōr an joortoklik.
3. Jabdewōt pade ro ilo jemlok in wonnen kjebarok eo am ej deloñ ibben juon kōmadmōd ak bujen in wonnen kejbarok ajiri an jikin ko rej ibben doon.
4. Jabdewōt pade ro ilo jemlok in wonnen kjebarok eo am ej ebōk jibañ jen TANF an Jowi ak burokraam in wonnen kejbarokk ajiri in Jowi.
5. Keij eo am ekoba abnōnō in Jowi ko jet.

Kakien ko rej Jelōte Wonnen Kejbarok eo an Ajiri

Jebta ko laajrak ilo Kōkkāāle in Jerbal k an Washington Emōj Kōkāāl (RCW) im Kōkkāāle in Jerbal eo an Washington (WAC) rej kakien jibañ ko DCS ej lelok.

Jebta 26.09 RCW Jebta 388-14A WAC
Jebta 26.18 RCW
Jebta 26.21A RCW
Jebta 26.23 RCW
Jebta 74.20 RCW
Jebta 74.20A RCW

Kakien eo ikijen an mootlok ien emaron jermal ñan juon muri in wonnen kejbarok ajiri. Elañe enaj jermal mennin, jinen ak jemen eo im ajiri eo ejab jokwe ibben emaron kōjermal kakien eo ikijen an mootlok ien einwōt juon jumae kin muri in aoleben ak jidikin muri in wonnen kejbarok eo.

Kall ko ilo Talebon

Kūrluk jikin jermal in talebon eo an "KIDS" ewōr kenono ilo 800-442-5437 ñan am ebōk melele kin keij eo am. Jouj im kōjermal kein jermal in joñan wōt am maron. Elañe ewōr juon am wāween jikin jermal eo an "KIDS" ebañ kōmadmōd, kūrlok objeo an DCS im ej komadmōde keij eo am. Kememej, kall ko ilo talebon rej bōk ien jen jermal in aen ko jet ikijen keij eo am. Kadiklok joñan kall ko rej itōk rej komman an DCS maron emmonlok an lewaj jibañ.

Elane kwōj aikuj kebaak DCS, kōjermal nomba in talebon ko emōj kōlaajrak ilal. Jouj im kōjermal nomba in talebon ko ejellok wonnen kurluk ñan kall ko rej itok jen jikin ko rettolok wot. Ewōr jibañ ko ikijen TTY/TDD ñan ro ewōr aer utamwe in kenono ak roñjak.

Seattle: (206) 341-7000 ak (800) 526-8658
Tacoma: (253) 597-3700 ak (800) 345-9976
Everett: (425) 438-4800 or (800) 729-7580
Spokane: (509) 363-5000 ak (800) 345-9982
Kennewick: (509) 374-2000 ak (800) 345-9981

Vancouver: (360) 696-6100 ak (800) 345-9984
Wenatchee: (509) 886-6800 ak (800) 535-1113
Yakima: (509) 249-6000 ak (800) 441-0859
Olympia: (360) 664-6900 or (800) 345-9964

Ñan melele ko ikijen kolla ko rej kōmman ilo kein jermal kabel, kūrlok 800-468-7422 ñe ejab lale web site eo an DCS ilo www.dshs.wa.gov/dcs. Kwōmaron kadeloñ etam ak lale melele ko maanlok ikijen am kar kolla ñan keij eo on-line ilo <https://secureaccess.wa.gov>.

Ejellok kalijeklok ñan jabdrewot armij kin jowi, kolor in kil, lal eo rar ejaak jene, tōmak, kabun, elane kora ak emman, joñan yio, ak utamwe kin jikin jermal, jiban ko, ak makitkit ko an burokraam eo. Ewor beba in ilo wewein ko jet elane kwonaj kajitok.